

Náttúruvættið Kaldárhraun og Gjárnar í upplandi Hafnarfirði

Samningur um umsjón og rekstur

1. gr.

Samningsaðilar.

Umhverfisstofnun, kt. 701002-2880 og Hafnarfjarðarkaupstaður, kt. 590169-7579 gera með sér samning um umsjón og rekstur náttúruvættisins sem kennt er við Kaldárhraun og Gjárnar í upplandi Hafnarfjarðar í samræmi við 30.gr. laga um náttúruvernd nr. 44/1999. Friðlýsta svæðið er 208,9 ha að flatarmáli, en Kaldárhraun er heillegt og óraskað helluhraun á vinsælu útivistarsvæði við Helgafell, en upptök hraunsins er í gígum austan við norðurenda Gvendarselshæðar. Með friðlýsingunni er m.a. verið að vernda helluhraunsmýndun og fagarar klettamyndanir í vestari hrauntröðinni frá hinni kunnu eldstöð Búrfelli.

2. gr.

Markmið samningsins

Markmið samningsins er að umsjón og rekstur náttúruvættisins sé í samræmi við lög um náttúruvernd nr. 44/1999, reglur hins friðlýsta svæðis í samræmi við auglýsingu um friðlýsinguna í Stjórnartíðindum, nr. 396/2009 og reglugerð um innflutning, ræktun og dreifingu útlendra plöntutegunda nr. 583/2000.

3. gr.

Mörk náttúruvættisins.

Mörk náttúruvættisins Kaldárhrauns og Gjánna í upplandi Hafnarfjarðar eru sýnd á meðfylgjandi uppdrætti þar sem fram koma hnit, ISN-93, sem svæðið markast af.



Gjárnar og hraunið við Kaldá, náttúruvætti

í upplandi Hafnarfjarðar

Afmörkun svæðis:	hnit	x	y	hnit	x	y	hnit	x	y
Hnit ISN-93	01	356974	394566	13	360086	394499	25	359076	393617
Stærð: 208,9 ha	02	357068	394629	14	360019	394382	26	358673	393626
Núverandi lóð innan náttúruvættisins er undanskilin þessari friðlýsingu.	03	357420	394640	15	360005	394233	27	358445	393903
	04	357589	394791	16	359939	394213	28	358250	393909
	05	357906	394697	17	359854	394240	29	357827	394094
	06	358328	394240	18	359719	394389	30	357580	394000
	07	358791	394772	19	359600	394234	31	357501	394094
	08	359451	394658	20	359424	394230	32	357562	394290
	09	359519	394584	21	359387	394165	33	357446	394445
Friðlýsingarmörk	10	359986	394782	22	359691	393925	34	357128	394348
Akvegir	11	360300	394705	23	359473	393517	35	356964	394388
Lóðamörk	12	360326	394570	24	359113	393518			

0 500 1000 2000 M 1: 30.000



Kortagerð: Landslag ehf.
28. maí 2008

4. gr.

Verndaráætlun.

Umhverfisstofnun í samstarfi við Hafnarfjarðarkaupstað skal vinna að gerð verndaráætlunar fyrir náttúruvættið Kaldárhraun og Gjárnar í samræmi við d lið 6. gr. laga um náttúruvernd, nr. 44/1999. Samið skal sérstaklega um skiptingu kostnaðar vegna gerðar verndaráætlunar.

5. gr.

Umsjón og landvarsla.

Hafnarfjarðarkaupstaður sér um daglegt eftirlit, umsjón og rekstur með náttúruvættinu. Málefnum sem upp kunna að koma og kalla á sérstakar ráðstafanir eða stjórnvaldsákvarðanir ber að vísa til Umhverfisstofnunar.

Ef ráðinn verður landvörður fyrir svæðið skal hann uppfylla ákvæði 29. gr. laga um náttúruvernd, sbr. 1. gr. reglugerðar um landverði, nr. 61/1990.

6. gr.

Fræðsla.

Umhverfisstofnun og Hafnarfjarðarkaupstaður hafa samstarf um útgáfu fræðsluefnis, svo sem bæklinga og skilti. Merki beggja aðila skal vera á öllu fræðsluefni. Um skiptingu kostnaðar skal samið hverju sinni.

7. gr.

Mannvirkjagerð og aðrar framkvæmdir

Öll mannvirkjagerð, jarðrask og önnur breyting á landi skal vera í samræmi við samþykktar skipulagsáætlanir, auglýsingu um friðlýsingu Kaldárhrauns og Gjánna í Stjórnartíðindum og verndaráætlun. Varðandi allar framkvæmdir innan náttúruvættisins ber að fylgja ákvæðum 38. gr. laga um náttúruvernd, nr. 44/1999.

8. gr.

Gjaldtaka og þjónustugjöld.

Hafnarfjarðarkaupstað er heimilt að taka þóknun fyrir þjónustu sem veitt er innan náttúruvættisins svo sem leiðsögn um svæðið í samræmi við 32. gr. laga um náttúruvernd, nr. 44/1999.

9. gr.

Skipting kostnaðar.

Hafnarfjarðarkaupstaður kostar laun og annan kostnað vegna daglegs eftirlits, umsjónar og rekstrar á hinu friðlýsta svæði. Um sérstök verkefni skal samið hverju sinni, um framkvæmd verksins og skiptingu kostnaðar.

10. gr.

Skýrslugerð.

Hafnarfjarðarkaupstaður skal gefa Umhverfisstofnun skýrslu ár hvert um ástand, framkvæmdir og aðra starfsemi í náttúruvættinu. Skila skal skýrslu til Umhverfisstofnunar í lok hvers starfsárs. Í skýrslunni skal tilgreina um veittar undanþágur sbr. 8. gr. auglýsingar um náttúruvættið Kaldárhraun og Gjárnar, ástand lands og lífríkis, fræðslu, gestafjölda, umgengni, framkvæmdir og kostnað af þeim og annað sem kann að skipta máli varðandi friðlandið.

11. gr.

Eftirlit Umhverfisstofnunar.

Umhverfisstofnun hefur eftirlit með því að umsjónar- og rekstraraðili uppfylli samningsskuldbindingar í samræmi við samning þennan, þær reglur sem gilda um náttúruverndarsvæðið sbr. auglýsingu um friðlýsinguna í Stjórnartíðindum, reglugerð um innflutning, ræktun og dreifingu útlendra plöntutegunda nr. 583/2000, 30. gr. laga um náttúruvernd nr. 44/1999 og verndaráætlun.

12. gr.

Gildistími.

Gildistími samnings þessa fyrir náttúruvættið Kaldárhraun og Gjárnar er 10 ár frá undirritun og staðfestingu umhverfis- og auðlindaráðherra.

13. gr.

Ákvæði um endurskoðun.

Hvor samningsaðili um sig getur óskað eftir endurskoðun á samningi þessum hvenær sem er. Þó skal endurskoða samninginn eigi síðar en að fimm árum liðnum. Gagnkvæmur uppsagnarfrestur samnings þessa er 6 mánuðir.

14. gr.

Meðferð ágreiningsmála.

Umhverfis- og auðlindaráðherra úrskurðar um ágreiningsmál varðandi samning þennan.

15. gr.

Gildistaka.

Samningur þessi er í þremur samhljóða eintökum og heldur hvor samningsaðili einu eintaki og umhverfis- og auðlindaráðherra einu. Samningurinn tekur gildi við staðfestingu umhverfis- og auðlindaráðherra.

Gjörtstaður.....dags

F.h. Umhverfisstofnunar

F.h. Hafnarfjarðarkaupstaðar

Kristín Linda Árnadóttir
forstjóri

Haraldur L. Haraldsson
bæjarstjóri

Staðfesting umhverfis- og auðlindaráðherra

Sigrún Magnúsdóttir

Vottar:
